

crassam eum sedimento nigro livido materiae pravae copiam, & virtutis angustiam sinistro omine innuere: De Hemorrhagia, si modum excedat, hepate infrigidato cachexiam subsequi. Non raro in graviores morbos definit, lapidem renum, epilepsiam, convulsionem, pestem, cancerum, schirrhum, Crato apud Scholzium consil. 257. affirmat, vix unquam ita discedere, quin aliquas relinquat corpori molestias, praecipue autem pertimescenda esse melancholiam hypochondriacam, & Hydropem. Ratio patet ex superioribus, nempe si generata a calore colliquamenta obstantibus obstructionibus non eunt, quo Natura solet deponere, necessario fieri ἐξαιφιδίως ὑδρωδης κατὰσας, abdomen attolli tumoribus aquosis.

CURATIO absolvitur tergemina Indicantium, & Auxiliorum classe. INDICATIO CURATORIA morbum concernit, ubi, si sola febris foret, ad refrigerandum, humectandumq; omne Medici consilium veluti ad finem esset dirigendum, praecipiente Galeno 9. meth. med. c. 14. Sed cum haec aliis rebus praeter naturam implicetur, causa nimirum conjuncta sit, eam primo loco PRAESERVATORIA INDICATIO tollere monstrat, imo omne fere negotium facessit; Proinde humor alteratus; frigidus nempe & siccus, calefacientibus & humectantibus; crassus, & viscidus, attenuantibus, & incidentibus; calidus vero & exustus, refrigerantibus; idoneis modis omnibus tollatur; Neu novus subinde generetur, scaturigo ejus intercipiatur, referando viscerum obstructions, corrigendo intemperiem, confortando imbecillitatem. Inprimis curandum, ut μίασμα illud putrefaciens discutiatur. Si Rigor aut alia symptomata urgent, ea quoq; respicienda. INDICATIO VITALIS respicit vires, propter pertinaciam morbi, qua clementiam suam compensat, non negligendas. Quibus omnibus satisfaciet auxiliorum materia ex

I. CHIRURGIA. VENÆSECTIO, si febris ab adusto sanguine, aut evacuatione suppressa, venae turgent, nec adsit aliquid horum, quod praegnanter obstat, ab  
initio